

稿，全师派之，稍翻翻也。杨子通来辞行。斌孙定廿六日起身来辞，余意颇不适。夜写扇，又致钱漱青函，又寄钱玉方函，皆谢不能说项。又与朱升庵书。元庆。

廿五日（10月28日） 晴，早寒感冒，嚏而作热，夜稍愈。方云小便小利，故药有车前、通草，参、苓如昨，桂用四分也。读不甚佳，来时辰正也，未初三退。出城回横街，斌孙明日启行，由轮船还南，余所不欲而不能止也，此等事经历多矣，藏诸胸中耳。回城日暮。致书王鲁芴观察，为士吉、钱漱青说项。复徐雨之书。

廿六日（10月29日） 晴，暖。方痰中带红，颇噪粘涎作五味，小便不利，药如昨。读尚佳，未初二退。无事，曾印若来。夜绍彭招饮，陪马培之父子，培之终以甘平之剂立说，甚言燥药不宜，未知是否。程春藻、连月华、薛宝钿、仲学格、赵天向五医皆去。是日巳初斌孙登车。

廿七日（10月30日） 晴，无风而寒矣。方照昨，略如马君所云也。读好，未初二退，入署。到二条胡同看屋，昨日起木厂十八人在彼做活，其实无此多工也。邀孙燮臣相度，云开巽门合式，灶如旧。致陈画卿函，为周少鹤解围也，可厌，苦。

廿八日（10月31日） 晴。南书房看摺，遂未诣月华门。闻喉干，药如旧。发下曾纪泽十七发电一件。索兵费十二万卢布，曾未与谈，而将缓索一节向说，允代奏。复电则称缓索须改口，若伊犁全境见还，并松花、西汉如我约，则连前项如所索可行。奏片亦申明此意。发陈宝琛摺片，专论日本灭琉球宜兴师伐之，并论总署不应许以南岛延球祀，尤不应许其与各国同沾利益一条，其词甚辨。总署摺一件，片三件，则即陈所指者也，已与使臣突玃户议有成说矣。复片一件。惇、醇及余二人言此事本来未能深悉，且已经允许，举棋不定，未可妄议。辰正三刻散，至书房，读仅可，颇动也，未初二退，到新屋。访沈相谈。夜绍彭来。

廿九日（11月1日） 有云气。方荣分行而水气仍串疼，粘涎五味，食难